

AKHBAR : BERITA HARIAN
MUKA SURAT : 14
RUANGAN : LAPORAN PRESTASI

Kabinet setuju harga siling untuk ubat

• Cadangan diharap dapat dibentang pada sesi Parlimen Julai nanti



Oleh Suhaila Shahrul Annuar
 suhaila.shahrul@nsp.com.my

■ Putrajaya

Kabinet bersetuju supaya kawalan harga ubat-ubatan dilakukan melalui Perintah di bawah Akta Kawalan Harga dan Antipencatutan 2011.

Menyatakan ini, Menteri Kesihatan, Datuk Seri Dr Dzulkefly Ahmad, berkata ia akan dikawal selia oleh Kementerian Perdagangan Dalam Negeri dan Hal Ehwal Pengguna (KPDNHEP).

"Setakat ini, kita akan menggunakan satu penentuan harga siling jadi mereka tidak boleh menge-nakan harga lebih daripada itu.

"Saya tahu sektor swasta mungkin agak kurang selesa dengan perkara ini tetapi kita terpaksa mengambil satu penyelesaian yang sesuai untuk semua, kerana kita tidak boleh memilih."

"Kalau (harga ubat) di swasta terlalu mahal, hospital awam kita akan sesak. Ini juga memberi ruang untuk pesakit pergi ke hospital swasta," katanya pada sidang media mengenai pencapaian Kementerian Kesihatan sempena setahun pentad-



Dr Dzulkefly Ahmad

biran Pakatan Harapan (PH).

Beliau berkata cadangan itu diharap dapat dibentang pada sesi Parlimen akan datang Julai nanti.

"Setakat ini negara yang menggunakan harga siling untuk penentuan harga ubat adalah Australia dan Kanada. Kita bukan pilih mekanisme ini secara sebarang, ia adalah berdasarkan kepada penanda aras daripada negara yang sudah melaksanakannya.

"Selain itu, mengenai penentuan harga siling, penanda aras yang digunakan adalah berdasarkan harga ubat di Australia, Eropah dan Amerika Syarikat," katanya.

Katanya, antara pencapaian kerajaan dalam tempoh setahun pentadbiran PH adalah pelaksanaan Skim Peduli Kesihatan untuk kumpulan B40 (PeKa B40) yang memberi tumpuan kepada penerima Bantuan Sarawak Hidup (BSH) berusia 50 tahun dan ke atas untuk menjalani saringan kesihatan bagi melayakkan mereka mendapat manfaat lain di bawah skim itu.

PeKa B40 sasar 800,000 penerima

"Projek berkenaan menyasarkan 800,000 penerima dengan peruntukan RM100 juta yang mewaralkan manfaat seperti saringan kesihatan; bantuan alat perubatan; insentif melengkapkan rawatan kanser dan insentif tambang pengangkutan.

"Skim ini dibiayai sepenuhnya oleh kerajaan dan disediakan secara percuma, yang mana setakat 30 April lalu, 2,443 individu sudah menjalani saringan kesihatan PeKa B40," katanya.

Kementerian juga, katanya menambah baik Garis Panduan Am Pernantapan Program Pegawai Perubatan Siswazah menerusi Penye-

ragaman Sistem Waktu kerja Fleksi di semua hospital latihan siswazah.

"Garis panduan sedang dilaksanakan secara berperingkat di semua hospital latihan siswazah yang mana antara lainnya menggariskan purata jumlah bekerja di kurangkan kepada 66 hingga 62 jam seminggu berbanding sebelum ini 65 hingga 75 jam seminggu," katanya.

Kementerian juga sedang mewujudkan transformasi program Pegawai Perubatan Siswazah menerusi pelaksanaan High Performance Housemanship Programme yang akan mengurangkan tempoh latihan dari dua tahun kepada 18 bulan.

Sementara itu, pada sidang media selepas Hari Terbuka EMR semalam, Dr Dzulkefly berkata kerajaan telah melaksanakan Sistem Rekod Perubatan Elektronik (EMR) di semua hospital dan klinik di bawah seliaannya dalam tempoh tiga hingga lima tahun lagi.

Katanya, sistem berkenaan penting kerana ia membantu memudahkan tugas dan mengurangkan kos dalam sektor kesihatan.

AKHBAR : SINAR HARIAN

MUKA SURAT : 15

RUANGAN : MENJELANG SETAHUN PH 9 MEI 2019



Dzulkefly ketika membentangkan pencapaian serta inisiatif yang telah dilaksanakan Kementerian Kesihatan pada wawancara khas Sempena Setahun PH di Putrajaya.

Biar rakyat beri markah

Menteri dapat sokongan yang baik daripada warga KKM dan rakyat

NURUL HUDA HUSAIN

PUTRAJAYA

Menteri Kesihatan, Datuk Seri Dr Dzulkefly Ahmad menyerahkan sepenuhnya kepada rakyat untuk menilai atau memberi markah terhadap pencapaian beliau selama hampir setahun di Kementerian Kesihatan (KKM).

Kata beliau, hanya rakyat berhak untuk menilai dan segala usaha dan gerak ker-

ja yang dilakukannya bersama menteri Kabinet lain.

"Saya serahkan kepada rakyat untuk memberikan markah dan apa pun markah yang diberikan, saya senaraikan, beliau mengakui mendapat sokongan dan kerjasama yang sangat baik."

"Saya difahamkan baru-baru ini, ada satu kajian yang dilakukan. Dari pada empat orang (kajian) yang menilai itu ada memberikan nilai A, B, C dan D."

"Tetapi saya tidak perlugusar dengan penilaian itu kerana apa yang paling penting adalah melakukan yang terbaik," katanya pada sidang media khas di kementerian beliau di Putrajaya Selasa lalu.

Beliau berkata demikian ketika diminta mengulas mengenai markah atau nilai yang akan diberikan kepada dirinya dalam tempoh perkhidmatan sejak

setahun lalu.

Dzulkefly berkata, menjelang setahun memulih tanggungjawab sebagai ketua di kementerian berkenaan, beliau mengakui mendapat sokongan dan kerjasama yang sangat baik.

"Saya merasakan mendapat sokongan yang baik daripada kakitangan tertinggi semusim peringkat warga KKM," katanya.

Malah, katanya, hubungan baik itu tidak hanya terbatas di kementerian sahaja, sebaliknya beliau turut mendapat maklum balas memberangsangkan daripada sektor swasta.

"Saya juga ada pak cik-pak cik dan mak cik-mak cik yang mendapatkan khidmat di klinik kesihatan, hospital dan klinik desa yang akan menilai kerja saya," katanya.

'Ideas That Matter' antara pencapaian saya'

PUTRAJAYA - Menteri Kesihatan, Datuk Seri Dr Dzulkefly Ahmad menyifatkan inisiatif *Ideas That Matter* yang membuka peluang kepada semua warga kerja Kementerian Kesihatan (KKM) untuk menyampaikan pandangan dan pendapat adalah pencapaian terbaik beliau dalam tempoh setahun ini.

Jelasnya, usaha itu bertujuan membudayakan rasa kekitaan dalam semua peringkat perkhidmatan termasuk pemandu memantapkan lagi kementerian.

Katanya lagi, sehingga kini beliau telah menerima 800 idea atau pandangan yang dalam bentuk surat itu.

"Saya boleh katakan (*Ideas That Matter*) sebagai pencapaian (terbaik) saya terhadap warga KKM itu sendiri untuk mereka berikan pandangan."

"Semua kakitangan berhak memberi pandangan dan saya akan nilai (semua idea) secara berperingkat," katanya.

Dzulkefly yang juga Ahli Parlimen Kuala Selangor berkata, inisiatif yang diperkenalkan itu diharap dapat menggalakkan ekosistem kerja yang sihat dan berkualiti.

Beliau turut menggariskan beberapa pencapaian dan inisiatif baru yang diperkenalkan sejak menerajui kementerian itu pada Mei tahun lalu.



PENCAPAIAN KKM

Peningkatan peruntukan kepada KKM dalam bajet 2019

- KKM mendapat jumlah peruntukan sebanyak RM28.88 bilion dalam bajet 2019 berbanding RM26.58 bilion pada tahun sebelumnya.

Projek perintis Skim Peduli Kesihatan (Peka B40)

- Projek perintis Peka B40 telah dimulakan pada 15 April dengan fasa ujian operasi, di mana KKM akan merilai kelancaran logistik dan mendapatkan maklum balas daripada semua pemegang taruh yang terlibat.
- Projek ini akan memberi tumpuan kepada penerima Bantuan Sara Hidup (BSH) dan pasangannya yang masing-masing berusia 50 tahun dan ke atas. Sasaran populasi akan dikembangkan pada masa akan datang, bergantung kepada kejayaan projek ini serta penambahan peruntukan daripada kerajaan.
- Projek ini juga akan melibatkan seramai 800,000 orang dengan peruntukan RM100 juta.

Sistem Rekod Perubatan Elektronik (EMR)

- EMR ialah sistem penyimpanan rekod dan data pesakit di hospital dan klinik bagi menggalakkan rekod perubatan tradisional yang bergantung sepenuhnya pada penggunaan kartas.

Pembuatan Rangka Kerja Pengawalseliaan Kesihatan Digital (OHS)

- Membangunkan Rangka Kerja Pengawalseliaan Kesihatan Digital untuk mengawal serta OHS swasta bagi melindungi hak pesakit dan membimbing profesional penjenagan kesihatan.

Perkhidmatan Klinik Maya (Virtual Clinic Services)

- Projek perintis ini mampu mengurangkan beban pesakit, masing menunggu dan masalah parkir untuk hadir ke klinik-klinik kesihatan bagi tujuan pemeriksaan dan temujan yang berulang.

Paparan Pemuka Analitik (Dashboard Analytics)

- Satu instrumen Data Raya di mana papan permukaan akan digunakan bagi mendapatkan data dan maklumat untuk diguna pakai dalam membuat sesuatu keputusan serta menjadi peluncur prestasi utama (KPI) sama ada di dalam jabatan.

15 minutes X-break di semua kementerian

- Kabinet telah bersetuju agar setiap kementerian mengadakan aktiviti senaman selama 15 minit sehari bagi membudayakan gaya hidup sihat serta melawan penyakit-penyakit tidak terkait (NCDs) seperti diabetes, penyakit kardiovaskular, kolesterol tinggi dan strok.

Pengurusan projek-projek sakit

- KKM telah menamatkan kontrak utama projek pembinaan Hospital Petra Jaya, Sarawak pada Ogos 2018 tetapi gagal menyiapkan projek tersebut mengikut jadual asal yang ditetapkan iaitu pada 29 November 2016.
- Proses tender semula yang dijalankan oleh Kementerian Kerja Raya telah ditutup pada 26 April 2019.

Pembaharuan Program Pegawai Perubatan Siswazah

- Kabinet pada September 2018 telah bersetuju dengan plan transformasi Program Pegawai Perubatan Siswazah di Malaysia menerusi pelaksanaan High

Performance Housemanship Programme, yang akan mengurangkan tempoh latihan Pegawai Perubatan Siswazah daripada dua tahun kepada 18 bulan.

Juniors Doctors Quandry

- Menteri Kesihatan telah mengadakan perjumpaan tertutup dengan semua pegawai-pegawai perubatan siswazah dan pegawai perubatan setiap kali mengadakan lawatan kerja ke negeri-negeri
- Langkah ini dilakukan bagi mendengar masalah serta cabaran yang mereka hadapi dan cuba untuk mencari jalan penyelesaian yang paling wajar dan munasabah.

Penyusunan semula perkhidmatan Klinik 1Malaysia kepada Klinik Komuniti

- KKM sedang melaksanakan penyusunan semula perkhidmatan kesihatan yang disediakan di 447 buah Klinik 1Malaysia bertujuan untuk memberi tambah kepada perkhidmatan sedia ada, selain menyusun keperluan dan mengoptimalkan sumber manusia dan kewangan.

Pemusatan Institusi-Institut Latihan KKM (ILKKM)

- Mengintegrasikan 19 buah ILKKM daripada 33 ILKKM di seluruh negara menjadikan jumlah ILKKM selepas diintegrasikan kepada 14 buah.

Ideas That Matter

- Inisiatif itu diambil bagi menggalakkan ekosistem kerja yang sihat dan berkualiti, seluruh warga kerja KKM diberikan peluang untuk membangun idea dan pendapat mereka untuk sama-sama membangunkan kementerian itu menjadi rampan dan produktif.

Penubuhan Majlis Penasihat Kesihatan

- Majlis penasihat itu dianggotai tujuh tokoh ditubuhkan bagi membolehkan pakar dan tokoh luar KKM berkongsi ide dan pandangan, serta meningkatkan kesedaran isu-isu dan penyelesaian berkaitan sektor kesihatan negara tanpa menafikan kepakaran sedia ada yang dimiliki KKM.

Penubuhan Task Force untuk memajukkan vaksin

- Pasukan petugas itu ditubuhkan bagi mengkaji kebolehlaksanaan tindakan mewajibkan imunisasi, termasuk implikasi yang berkaitan.
- Cadangan tindakan mewajibkan imunisasi akan dibentangkan kepada Jawatankuasa Pemandu Perancangan KKM pada 8 Mei 2019 untuk kelulusan, sebelum diangkat ke Kabinet untuk penelitian lanjut.

Reformasi kesihatan mental

- Institusi ini akan beroperasi sebagai pusat kecemerlangan nasional yang menyediakan entiti prominent penting sebagai pemegang laruh dalam tadbir urus, advokasi, penyelidikan dan latihan serta kerjasama berkaitan dengan psikiatri dan perkhidmatan kesihatan mental di negara ini.

Kawalan harga ubat

- Kabinet telah bersetuju supaya kawalan harga bagi ubat-ubatan dibuat melalui perintah di bawah Akta Kawalan Harga dan Antipencatulan 2011 yang dikawal selia oleh Kementerian Perdagangan Dalam Negeri dan Hal Ehwal Pengguna (KPDNHEP).